

**Oqaluuserisassanut nassuiaat.**

(Inatsisartut Siulittaasuut)

Ilaqutariinnermut Peqqissutsimullu Ataatsimiititaliaq kissaateqarpoq oqaluuserisassani immikkoortup 102-p aappassaaneerneqarnissaata kinguartinneqarnissaanik.

Immikkoortoq 102-p qulequtaraa: Inatsisartuni aalajangiiffigisassaattut siunnersuut Naalackersuisut kingusinnerpaamik 2017-imi aningaasaateqarfimmik 4 mio koruunit tikillugit aningaasaateqartumik pilersitsinissamik saqqummiussissasut, aningaasaateqarfiup aningaasalersussallugu angajoqqaat kisermaat 180.000 koruunilluunniit ataallugit isertitallit meeraasa nunatsinni nunattalu avataani angalasarnissaat.

Siunnersuutip ulloq 16. november aappassaaneerneqarnissaa siunnersuutigineqarpoq.

Aalisarnermut, Piniarnermut Nunalerinermullu Ataatsimiititaliaq qinnuteqarpoq oqaluuserisassani immikkoortup 34-p aappassaaneerneqarnissaata kinguartinneqarnissaanik.

Immikkoortoq 34-p qulequtaraa: Neriniartitsivinni neriniartitsinerup naatitanut nungusaataangitsumik ingerlanneqarsinnaanera pillugu Naalackersuisut misissueqqullugit peqquneqarnissaannik Inatsisartut aalajangiiffigisassaattut siunnersuut. Misissuinermi ullumikkut uumasuutitut neriniartitsiviusut nunaminertallu taakkua qanittuaniittut ilanngullugit nalilersorneqassapput uumasut qassit naasoqassutsip nammassinnaaneraa, taamaalilluni piffissaq sivisunerusoq eqqarsaatigalugu tunisassiorsinnaaneq pitsaanerpaaq qulakkeerumallugu. Misissuinermi inerniliussa UPA-2018-imi saqqummiunneqassaaq. Siunnersuutip ulloq 16. november aappassaaneerneqarnissaa siunnersuutigineqarpoq.

**Ilaasortat uku akornganni taasisarnerit pillugit isumaqatigiissuteqartoqarpoq:**

Iddimangiiu Bianco, Inuit Ataqatigiit aamma Justus Hansen, Demokraatit

Kalimat Lund, Inuit Ataqatigiit aamma Laura Táunâjik, Siumut

Agathe Fontain, Inuit Ataqatigiit aamma Anders Olsen, Siumut

